



COMUNU DE SOLÈMINIS

Provìntzia de sa Sardìnnia de bàsciu

Bia Crèsia 18, 09040 – Solèminis (SU – Sud Sardìnnia)
Còdixi Fiscali (CF) 80005100922 - Partida Iva (PI) 01430300929

Telèfunu: 070749901 - Fax: 070749050

Curreu eletrònicu: segreteria@comune.soleminis.su

Curreu Eletrònicu Certificau (PEC): protocollo.soleminis@pec.comunas.it

AVISU

COVID DEXENOI (COVID 19) - CORONAVIRUS INFORMATZIONIS E NOAS

Su Trexi de su Mesi de Ladàmini de su Duamilla-e-binti (13/10/2020)

Decretu de su Presidenti de su Consillu de is Ministrus (DPCM) de su Trexi de su Mesi de Ladàmini de su Duamilla-e-binti (13/10/2020) cun is mesuras po anca contenni sa spainadura epidemiulògica de su COVID 19.

Is dispositzionis de su presenti DECRETU, comenti arremonau apitzus, si àpricant cumentzendi de sa dii de su Catòdixi de su mesi de Ladàmini de su Duamilla-e-binti (14/10/2020) e funt bàlidas finas a sa dii de su Trexi de Totusantus de su Duamilla-e-binti (13/11/2020).

A sighiri un'arresùmini de is mesuras de importu mannu previdias de su DPCM.

Impreu de is mascarinas in logus serraus e obertus

Fatu s'òbrigu, in totu su territòriu natzionali, de si portai afatu is dispositivus de protetzionis de is bias respiradoras e de si ddus ponni in logus serraus ca no siant is domus privadas e in dònna logu obertu sarvu chi, po comenti siant is logus o po is situatzionis de fatu, siat assicurada totora su stadu de isolamentu faci a chini no est cunviventis e, comentisiat, sarvendi is protocollus e is lineas ghias contras a su contàgiu previdias po is atividadis econòmicas, produtivas, amministrativas e sotzialis, puru is lineas ghias po su consumu de su papai e de su bufai.

Funt bogaus aforas de is òbrigus arremonaus:

- is chi funt faendi atividadi sportiva;
- is pipius prus piticheddu de ses annus;
- is chi ddui tenint maladias o invalididadis malas a cuncordai cun s'impreu de sa mascarina, puru chini, anca si movi impari cun is àterus, no si dda podit ponni po sa matessi arrexoni. Podint èssiri imperadas is mascarinas de comunidadi.

Su Decretu arrecumandat meda meda de si ponni is dispositivus de protetziont de is bias respiradoras finas ainturus de is domus privadas in presèntzia de personas no cunviventis. S'impreu de is mascarinas s'aciungit a is àteras mesuras de protetzioni, tenendi-nci sa tenta de ndi fai abasciai su contàgiu, comenti a su distanziamentu sotziali e a su si sciacuai is manus.

Stesiada intra is personas

Cunfermau s'òbrigu de si-nci stesiai intra is personas assumancu unu mèturu. Ndi bessint aforas de custu òbrigu is ecetzionis segundu s'ordinàntzia de su Meri de sa Protetzioni tzivili de su tres de Friaxu de su Duamilla-e-binti, nùmeru sexentus trinta (03/02/2020, n. 630), balidadas de su Comitau Tènnicu Scientificu (CTS).

Ristorantis, Pub e àterus servìtzius de su mandigai

Is atividadis de is servìtzius de su mandigai (ndi faint parti bar, pub, ristorantis, carpinnerias e ofellerias) funt amìtias finas a mesanoti cun servìtzius a sa mesa e finas a is noi oras de noti fora de servìtziu a sa mesa.

Est amìtiu su servìtziu de su mandigai cun sa cunsènnia a is domus, arrespetendi is normas igiènicu-sanitàrias prevìdias in sa fasi de confetzionadura e in su trasportu etotu, puru su mandigai de asportu, cun su divietu de mandigai in su logu o in su bixianu apusti de is noi oras de noti e abarrendi s'òbrigu de arrespetai sa distàntzia de siguresa assumancu unu mèturu intra is chi ddui funt.

Festas in is domus privadas

Su Decretu arrecumandat meda meda de fai de mancu de afechai e de si atobiai cun no prus de ses personas chi no bivant impari.

Festas chi s'ghint a cerimòniis tzivilis o religiosas

Is festas chi s'ghint a cerimòniis tzivilis o religiosas si podint tenni partetzipendi no prus de trinta personas, e arrespetendi is protocollus e is lineas ghias in vigori.

Intrada in is logus de devotzioni

S'intrada est amìtia cun mesuras organizadoras tali chi no nci siat genti acorrada apari, tenendi in cunsideru sa mannària e de comenti funt is logus, e tali de assigurai a is frequentatoris de nci podi tenni sa distàntzia assumancu unu mèturu.

Atividadi sportiva o de movimentu a s'ària oberta

Est amìtiu de fai atividadi sportiva o de movimentu a s'ària oberta, finas in is àreas cun ainas e in is parcus pùbricus, anca siat a podi intrai, bastat chi s'arrespetit comentisiat sa distàntzia de siguresa assumancu duus mèturus po s'atividadi sportiva e assumancu unu mèturu po dònna àtera atividadi, bastat chi no nci ollat sa presèntzia d-unu acumpagiadori po chini tenit prus pagu de dexeotu annus o po chini no nci dda fetzat a si movi a solu.

Atividadi sportiva de fundamentu in is palestras, piscinas, cìrculus sportivus e sighendi a nai

S'atividadi sportiva de fundamentu e, po su prus, s'atividadi in is palestras, piscinas, centrus e cìrculus sportivus, pùbricus o privaus, e finas in àteras struturas innui faint atividadis po anca ndi tenni prou gràtzias a s'esercìtziu fisicu, funt amìtias in s'arrespetu de is normas de stesiada sotziali e fora de si-nci amuntonai totus apari.

Sport anca si-nci atumbat apari: garas e cumpetizzionis po spàssiu

Il DPCM disponit su divietu de totus is garas, is cumpetizzionis e dònna atividadi acapiada a is sport innui si-nci atumbat apari praticaus po si spassiai.

Lìmidi spetadoris po acontèssius sportivus

Po is acontèssius e is cumpetizzionis sportivas de is sport individualis e de squadra – arreconnotus de su “Comitau Olìmpicu Natzionali Italianu” (CONI), de su “Comitau Italianu Parolìmpicu” (CIP) e de s'una e de s'àtera de is Federatzionis sportivas natzionalis, e finas organizaus de organismus sportivus internatzionalis – est amìtia sa presèntzia de su pùbricu, cun d-una percentuali màssima de prenimentu de su cuìndixi po centu (15%) a faci de is chi ddui capint in totu e, comentisiollat, no prus de su nùmeru de milli (1.000) spetadoris po manifestatzionis a s'ària oberta e de duxentus (200) spetadoris po manifestatzioni sportivas in is logus serraus.

Talis manifestatzionis funt acordadas sceti in is impiantus sportivus innui podint assigurai sa prenotazzioni e s'assinniamentu anticipau de su logu anca si setzi, cun su ricàmbiu comenti si spetat de s'ària, a patu chi siat assigurai s'arrespetu de sa distàntzia de acanta de pari assumancu unu mèturu de faci e a su costau.

Postu innantis s'òbrigu de mesurai sa temperatura a s'intrada e de si ponni sa mascarina po anca protegi is bias respiradoras, in s'arrespetu de is protocollus bessius de s'una e de s'àtera Federatzionis sportivas natzionalis, Disciplinas sportivas in assòtziu ed Entis organizadoris.

Is Regionis e is Provìntzias autònomas, in arrelatu a s'andamentu de sa situatzioni epidemiulògica in is logus insoru, podint stabilessi, in acòrdiu cun su Ministeru de sa Saludi, un'àteru nùmeru màssimu de spetadoris in cunsideru de sa mannària e de comenti funt is logus.

Lìmidi spetadoris in is spetàculus obertus a su pùbricu

Is is spetàculus obertus a su pùbricu in salas tiatralis, salas de cuncertus, salas cinematugràficas e in àterus spàtzias a s'ària oberta si tenint cun is logus a si setzi giai assenniaus de prima e discantzaus, e postu chi siat assigurai comentisiat s'arrespetu de sa distàntzia de unu a s'àteru assumancu unu mèturu po chini traballat e puru po is spetadoris chi no costumant a bivi impari, cun su nùmeru

màssimu de milli (1.000) spetadoris in is spetaculis a s'obertu e de duxentus (200) spetadoris in is spetaculis in logu serrau, in donniuna de is salas.

Is Regionis e is Provìntzias autònomas, in arrelatu a s'andamentu de sa situatzioni epidemiulògica in is logus insoru, podint stabilessi, in acòrdiu cun su Ministeru de sa Saludi, un'àteru nùmeru màssimu de spetadoris in cunsideru de sa mannària e de comenti funt is logus.

Salas innui baddai e discutecas

Abarrant comentisiat suspèndias is atividadis in is salas innui baddai e in is discutecas e localis chi ddas assimbillint, in logu obertu o serrau. Est proibiu su afestai in dònna logu serrau e obertu.

Scolas

Donendi po acrarau ca torrant a pigai de nou is atividadis de is servìtzius educadoris e s'atividadi de imparu in is scolas de dònna òrdini e gradu cunforma a is calendàrius insoru, is istituzionis scolàsticas s'ghint a aprontai dònna misura de profetu po su cumentzu, puru po s'andamentu cadentzau de s'annu scolàsticu Duamilla-e-binti – Duamilla-e-bintunu (2020 – 2021), finas a motivu de is inditus operadoris po sa gestioni de situatzionis e foxilis de Sars-cov-2 stèrrius de s'Istitutu Superiori de sa Saludi.

Funt suspèndius is biaxus de imparu, is propositas de scàmbiu o de goparàgiu, is vùsitas ghiadas e is bessidas imparadoras.